

يا بهيه



يا بهيه

الكلاب بتعض فيا

قطعوا عروق المحبه

والوصال ما عادش ليا

حتي توبك عت منك

ظهرت اللحمه الطرية

نفسى ألاقي توب مقاسك

وأستر الجثة اللي هيّ

تحت جفّك فيه شكاوي

ع الفراق مابقتش ناوي

ساكتة ليه ردي عليا؟

سكنوك ف بيت دعارة

فهموك انه طهاره

فكروها ياناس شطارة

مصوا حتي الدم منك

وأنتِ ف الآخر ضحية

والغراب نقر دماغك

وأنتِ واقفةٌ ومستحية

حزموكِ ورقصوكِ

ف النهاية انتِ الغزية

شمتوا كلاب الشوارع

والأسود صبحت ولية

كل يوم باسمع نذاك

وللأسف باخذ عزاك

قلتِ ولدي كبير وعاقل

بكرة هيحل المشاكل

لسه أولادك صغار

دمهم رايح هدار

والكبير بيقول يا نفسي

أجري وسط الموج وأعدي

أهبر الهبرة ال هيّ

من كتافك يا بهية

أصرخي وهزي المداين

وادعي ع الإبن اللي خاين

أنفضي ترابك وقومي

خيطي توبك ولمي

عرفهم مين بهية



صاحبة الطلعة اللي هيّ

اخربي كل الخشوم

خلي كرباجك ف أيديك

أجلدي اللي يعض إيديك

ياللي إسمك في سماه

ربي حارسك في علاه

دا انتِ مذكرة ف كتابه

أنتِ مقبرة الغزاه